

Eberi 2, 2018

Nakoia: Mataniwi ni Kabuta; Beretitentii ni Bootaki ni Kabuta, Itingaun te Aono, Titeiki, Mition, ao Beretitenti n te Mwakoro; Bitiobi ao Beretitenti ni Mwaanga; Kauntira n Titeiki ao n Uoote

(E na warekaki n tain bootakin te toa)

Tariu ao Mwaaneu aika tangiraki:

Te Mwakuri n Ibuobuoki ni Kakorakaan te Kooram n te Nakoanibonga ae te Merekitereka ao te Bootaki n Aine

Ana mwakuri te Tia Kamaiu e kabwarabwarai tuua ake uoua: “Ko na tangira Iehova ae Atuum n nanom ni kabane, ao n tamneim ni kabane, ao ni wanawanam ni kabanea” ao “Ko na tangira raom n ai aron tangiram i bon i roum” (Mataio 22:37, 39). N te tamnei anne, Iesu e reirei naba, “bon ngkami ake I a tia n rinea bwa a na buokiia te botanaomata aio” (3 Nibwaai 13:25).

N tarai raoi aia mwakuri kooram n te Nakoanibonga ae te Merekitereka ao te Bootaki n Aine iaon te mwakuri n ibuobuoki n aron are e reirei te Tia Kamaiu, ti katanoatai bitaki aikai:


- **N ana rinan te uoote, teuana te kooram n te Nakoanibonga ae te Merekitereka.** Kaain te kooram unimwaane ao te kurubu n ibonga ae rietaata a ikotaki ngkai nakon teuana te kooram ao teuana te beretitentii. Te kooram e rinea te “kooram n unimwaane,” ao te kurubu n ibonga ae rietaata n te uoote e na katokaki.
- **N ana rinan te titeiki, teuana te kooram n ibonga ae rietaata.** Te beretitentii n te titeiki e na reitinako ni beku bwa te beretitentii n te kooram n ibonga ae rietaata. Kaain te kooram anne bon ti ibonga aika rietaata aika beku ngkai n te beretitentii n te titeiki, n bitioburiki, n te kauntira ae rietaata, ao tamanuea aika waaki ngkai.
- **Te Ibuobuoki e onea mwiin te reirei n te mweenga ao te kakawari n reirei.** Burokuraem aika kaokoro n te reirei n te mweenga ma te kakawari n reirei a riki ngkai bwa katiteuanakin te mwakuri ae atongaki bwa “te ibuobuoki,” ae tararuaaki n te kooram n unimwaane ao te beretitentii n te Bootaki n Aine iaan ana tararua te bitiobi. Te ibuobuoki bon ti tebo ma ana mwakuri n ibuobuoki Kristo ao ni buokiia ni kainnania n tamneia ao n rabwataia.
- **N raonaki irouia kairake n te mwakuri n ibuobuoki.** Te mwakuri n ibuobuoki a kona ni kairaki iai Raurere ao Mwaia Maite bwa toaia aine n te Bootaki n Aine, ao ibonga ao taan reirei ana reitinako bwa toaia kaain te Nakoanibonga ae te Merekitereka.

Bitaki n te kooram a riai ni karaoaki iaon taia. Bitaki nakon te mwakuri n ibuobuoki e na ana teutana te tai ma e na karaoaki n te tai ae waekoa. Rongorongona riki tabeua a kona n noraki n te ministering.lds.org/gil.

Raomi ni koaua,

Handwritten signature of Russell M. Nelson in cursive script, positioned above a horizontal line.

Handwritten signature of Dallin H. Oaks in cursive script, positioned above a horizontal line.

Handwritten signature of Henry B. Eyring in cursive script, positioned above a horizontal line.

Te Moan Beretitenti

Te Mwakuri n Ibuobuoki ni Kakorakoraan te Kooram n te Nakoanibonga ae te Merekitereka ao te Bootaki n Aine

ANA EKARETIA
IESU KRISTO
IBUKIIA AIKA ITIAKI
NI BOONG AIKA KAITIRA

Bwaai aika karinaki nakon ana reta
te Moan Beretitenti ae bonginaki Eberi 2, 2018

Maiun Iesu ao ana ibuobuoki e katuruturu uoua tuua aika korakora: “Ko na tangira Iehova ae Atuam n nanom ni kabanea, ao n tamneim ni kabanea, ao ni wanawanam ni kabanea” ao “Ko na tangira raom n ai aron tangiram i bon i roum” (Mataio 22:37, 39). Ngkai kaain ana Ekaretia te Tia Kamaiu ae a tangiria raoi ni kan riki bwa Ana reirei Iesu ni koaua, ti riai n ira Ana kaetieti n tangira ao ni mwakuri ibukin Tamara are i Karawa ao Natina. “Ngkana ko tangirai ko na beku ibukiu,” e taku te Tia Kamaiu (R&B 42:29). “Ngkana kam beku ibukiia raomi ao kam bon beku naba iroun Atuami” (Motiaea 2:17). Aramwa e koroia ni kakimototoa tabera ni kangai, “A taratarai aia botanaomata, ao a kamwarakeia ni bwaai aika a kaineti ma te raoiroi.” (Motiaea 23:18).

Ni buokiira n tatabemaniira ni kaeka nakon te kaetieti mai ieta n tararua ao ni beku ibukiia tabeman, e a tia ni katanoata te Moan Beretitenti bitaki aikai, aika karaoaki n tarai riki ana mwakuri te kooram n te Nakoanibonga ae te Merekitereka ao Bootaki n Aine n te ibuobuoki n aron are e karaoia te Tia Kamaiu. Iai inanon bitaki bwaai aikai:

- **N ana rinan te uote, teuana te kooram te Nakoanibonga ae te Merekitereka.**
- **N ana rinan te titeiki, teuana te kooram n ibonga ae rietaata.**
- **Te Ibuobuoki e onea mwiin te reirei n te mweenga ao te kakawari n reirei.**
- **N raonaki ma kairake n te mwakuri n ibuobuoki.**

Ni boutokaan bitaki aikai, uote ao titeiki aki manga karaoi bootakin te komete n te nakoanibonga. Ngkana iai ana kaangaanga te uote ae onoti, ae riki n aron te kaangaanga n te utu ke te kakaewenako n te warebea, ae kona ni maroroakinaki n te bootaki ni bitiburiki. Bwaai aika aki rangin ni kai rootaki te aba iai a kona ni maroroakinaki n te kauntira n te uote. Tera are a tia n taekinaki bwa “aia boowi komete n te nakoanibonga n te titeiki” a aranaki bwa “aia boowi kauntira aika rietaata” (tarai titiraki 7 ao 15, inano).

Rongorongona riki tabeua a kona n noraki n te ministering.lds.org/gil.

N Ana Rinan te Uote, Teuana te Nakoanibonga ae te Merekitereka

Beritenti Russell M. Nelson e reirei bwa “kaotioti a riai n aki roko n te tai ae ti teuana. E kona n ae teutana imwiin teutana.”¹ Kaotan bwaai ni kaineti ma kooram n te nakoanibonga ao rikiraken atakin kingin te nakoanibonga e katauraoa te baeten ibukin rikiraken te kaotioti. Rinanon rongorongon te Ekaretia, e a tia te Uea ni kaoka Ana kantaninga te rain iaon te rain, ni kakabwaiia Natina ma te atatai ae bati n aron kabonganakin reirein te euangkerio nakon kaangaanga aika ngkai (taraa R&B 46:15–16).

Inanon ririki aika mwaiti, te Moan Beretitentii ao te Kooram n te Tengaun ma Uoman a tia n iangoi bitaki n aron aika oti inano. Ti man te tataro mwaaka, kamatebwaiakan aan te kooram n te nakoanibonga n te Baibara, aia kariaia mataniwi n te Ekaretia aika tararua, ao kamatoaan ae aio bon Ana kantaninga te Uea, a tia mataniwi ni waaki nako ma manga barongan te kooram n ana rinan te uoote ao te titeiki, ni karaoa te mwaneka riki aei ni kaotan Kaokan bwaai.

1. Tera taian bitaki ibukiiia kurubu n ibonga ae rietaata ao aia kooram unimwaane n te uoote?

Inanon uoote, ao membwa n te kooram n unimwaane ao kurubu n ibonga aika rietaata a na ikotaki nakon teuana te kooram ma teuana te beretitentii. Te kooram aei, e rikirake n te nambwa n te katiteuanaki, e na aranaki bwa te “kooram n unimwaane,” ao te kurubu n ibonga ae rietaata e na katokaki.

Te kooram n unimwaane e kaainaki irouia unimwaane ao unimwaane ake a tauraoui n te uoote ao ibonga aika rietaata ake akea ngkai nakoia n te bitioburiki, n te beretitentii n te titeiki, n te kauntira ae rietaata, ke te tamanuea ae waaki.

2. E kanga te beretitentii n te kooram n unimwaane ni baireaki?

Te beretitenti n te titeiki, ni buokaki irouia ana kauntira, e na kamotirawaia mataniwi n ibonga aika rietaata aika ngkai ao beretitentii n te kooram n unimwaane. Ngkanne te beretitenti n te titeiki e na wetea te beretitenti ae boou ni katoai uoote, ao te beretitenti n te titeiki, te kauntira ae a tia n rineaki n te beretitentii n te titeiki, ke te kauntira ae rietaata ae a tia n rineaki a na weteia kauntira aika ana kariaiakaki ni beku ibukin te beretitentii n te kooram n unimwaane. Te beretitentii n te kooram n unimwaane ae boou e kona n ae unimwaane ao ibonga aika rietaata, n aia ririki aika kakaokoro ao aia atatai, ni uaia ni beku n te kooram ni beretitentii ae teuana. Te unimwaane ke te ibonga ae rietata ae kona n riki bwa te beretitenti n te kooram ke te kauntira.²

3. Antai ae e kaira ana mwakuri te beretitenti n aia kooram unimwaane?

Te beretitenti n te kooram n unimwaane e katabeaki nakon te beretitenti n te titeiki, are e katauraoa te reirei ao te kairi mairoun te beretitentii n te titeiki ao rinanon te kauntira ae rietaata. Te bitiobi, te tia tararua n te ibonga ae rietaata n te uoote, e bobotaki n tainako ma te beretitenti n aia kooram unimwaane. Te bitiobi e reirei ma ngaia ao n anga kairi aika tau bwa a na kanga ni karaoa te mwakuri ao ni kakabwaiiaia membwa, mwakuri ma bootaki n te uoote ni kabane ma te iraorao. (Taraa *Aeniboki* 2, 7.3.1.)

4. Te bitaki n tein te kooram aei e bita te nakoa n te nakoanibonga ae e karaoaki irouia membwa n te kooram?

E aki. Unimwaane a tiku n unimwaane ao ibonga aika rietaata a tiku n ibonga aika rietaata ni kaineti ma nakoia n te nakoanibonga. E ngae n anne unimwaane a teimatoa ni katabuaki bwa ibonga aika rietaata ngkana a weteaki nakon te beretitentii n te titeiki, kauntira aika rietaata, ke bitioburiki—ke n taai riki tabeua ae baireaki iroun te beretitenti n te titeiki rinanon te tataro mwaaka ibukin iango ao kairi mai ieta.

5. E kona te uoote ni karekea ae mwaiti riki nakon teuana te kooram n unimwaane?

Eng. Ni kaineti ma Reirei ao Berita aika Tabu 107:89, ngkana te uoote e karekea ana mwaiti ae bubura irouia aika iai irouia te Nakoanibonga ae te Merkitereka, a kona mataniwi ni bairea ae raka nakon teuana te kooram n unimwaane. N aron waaki aikai, e riai te kooram n iai ana mwaiti ae tau ni kaineti ma te ririki, te atatai, ao te nakoa n te nakoanibonga ao te korakora.

N Ana Rinan te Titeiki, Teuana te Kooram n Ibonga ae Rietaata

6. Tera bitaki ibukin te kooram n ibonga ae rietaata n te titeiki?

Te beretitenti n te titeiki e na reitinako ni beku bwa te beretitenti n te kooram n ibonga ae rietaata n te titeiki. Kaain te kooram anne bon ti ibonga aika rietaata aika beku ngkai n te beretitenti n te titeiki, n te bitioburiki, n te kaunitra ae rietaata, ao tamanuea aika waaki ngkai. Kiraaka n te uote ao n te titeiki ao taan koroboki ni kakoroi mooti tiaki kaain te kooram n ibonga ae rietaata.

Kaain te kooram n ibonga ae rietaata n te titeiki ana bowi ma te kooram n unimwaane ngkana aki katabeaki n taabo riki tabeua.

7. Tera taben te kooram n ibonga ae rietaata n te titeiki?

N tabeia n tararua, te beretitenti n te titeiki e na bowi ma kaain te kooram n ibonga ae rietaata n te titeiki ni katauraoi reirei ao ni buokiiia kaain te kooram n nakoia. Te bowi n te titeiki ae iai ngkai e kabwarabwaraaki n te *Aeniboki 2*, tiekition 18.3 n reitaki ma bitaki aikai:

- Ana bowi te komete n tararua n te nakoanibonga n te titeiki aranaki bwa “bowi ni kauntira aika rietaata.”
- Te bowi ni katoa ririki ibukiiia ibonga aika rietaata n te titeiki akea ngkai. E ngae n anne, te beretitenti n te titeiki e karaoa te bowi ni katoa ririki ibukin te kooram n ibonga ae rietaata.

8. Tera kaantaninga nakon bitaki n te kooram n te Nakoanibonga ae te Merekitereka?

Karekean teuana te kooram n te Nakoanibonga te Merekitereka n te uote e katiteuanaia kaain te nakoanibonga ni kakoroa nanon mwakoro nako te mwakuri ni kamaiu, n raonaki ma te mwakuri n te tembora ao rongorongon te utu ake a kaman barongaaki iroun te mataniwi n te kurubu n ibonga ae rietaata. E kariaia membwa n te kooram n aia ririki ni kabane ao aia baekuraun ni kabwaia man aia taratara ao aia taneia naake a kakaokoro aron maiuia. E karekea naba aia tai kaain te nakoanibonga n reireiniia tabeman, n aroia unimwaane aika tauraai, membwa aika boou, kairake n ikawai, ao naake a oki nakon ana waaki te Ekaretia.

Bitaki aikai e buokiiia kooram n unimwaane ao te Bootaki n Aine ni bairei aia mwakuri. A kabebetea naba bairean te kooram ma te bitioburiki ao te kauntira n te uote. Ao a kariaia te bitiobi n tibwai riki mwakuri nakoia kaain te kooram n unimwaane ao te beretitenti n te Bootaki n Aine bwa aonga ngaia ma ana kauntira ni katabeia iaon aia mwakuri n te moanrinan—riki iaon tararuaan te Nakoanibonga ae te Aaron ao ataeinnaine.

Te Ibuobuoki e Onea Mwiin te Reirei n te Mweenga ao te Reirei ni Kakawari

Inanon ririki aika mwaiti, a tia taan reirei n te mweenga ao taan kakawari n te mweenga ni kaeka nakon katabeaki ni kawari aia auti membwa ni katoa namwakaina, n anga te rongorongon, ao n ibuobuoki ngkana e kainnanaoaki. Karaoan te mwakuri ae korakora ao n tangira aei e a tia ni karaoaki n te mwakuri ae korakora aei.

Te kateitei iaon te nano anne, mataniwi n te Ekaretia a tuangiia membwa bwa ana kakorakora karaoan te ibuobuoki n aron Kristo, n te tamnei ao n te rabwata (taraa *Aeniboki 2*, 3.2.3). Ni kamataata te

ibuobuoki anne, te burokuraem are imwaina n te reirei n te mweenga ma te kakawari n reirei a riki ngkai bwa te “mwakuri n ibuobuoki,” ae tararuaaki irouia kaain te kooram n unimwaane ao te beretitentii n te Bootaki n Aine iaan ana tararua te bitiohi.

9. Tera te “ibuobuoki”?

E kaotia te Tia Kamaiu n te katooto te bwai ae nanonaki n te ibuobuoki ngke E beku ma te tangira ibukin Tamana ao ibukiiia aomata nako (taraa Ioane 15:9–10). E tangira, reirei, tataro ibukin, karaunano, ao ni kakabwaiia naake Irarikina, ni kaoia ni kabane bwa ana Iriiria (taraa Mareko 8:34). Ngkai a ibuobuoki membwa, a ukoukoria ma te tataro mwaaka ni beku n ai Arona— “ni karau nanoia ake a kainnanao karauan nanoia,” “tararuaan te ekaretia n taai nako, ao n raonia ao ni kakorakoraia,” “ni kawari aia auti ana reirei ni koaua Iesu Kristo (Motiaea 18:9; R&B 20:51, 53; taraa naba Ioane 13:35).

Ngkai a ibuobuoki membwa, a rinei rinanon reitaki ao kairi aika ririki ao aekakin bwai n itoman ae iai irouia n reitaki ma naake a tabeakiniiia. A reirei ao n anga te rongorongonakoia aia mataniwi ni katoa kuata ni kaineti ma aia mwakuri n ibuobuoki ao kainnanao ao korakoraia naake a tia ni kaoaki bwa ana tabeakiniiia. Mataniwi a ribotin mwiin karaoan intawiu aikai ni katoa kuata; aikoa ribotin mwaitin aia kakawari ke aia reitaki aika karaoi nakoia n tatabemaniia ao utu. Irarikina, rinanon te reitaki n te nakoanibonga nakoia membwa n tatabemaniia, tari ao tititati n ibuobuoki ni karaoa te reitaki aika a kona mataniwi ni kabongana n tain te kaangaanga ke bwaai aika karina.

10. Tera araia naake a karaoa te ibuobuoki?

Naake iai irouia te nakoanibonga a kinaaki n araia ae “taari n ibuobuoki,” ao ainen te Bootaki n Aine a aranaki bwa “tititati ni ibuobuoki.” Ni bon arona, a na kona ni weteaki n araia ae “Tari Jones” ao “Titita Smith.” Aki atongaki bwa “taan ibuobuoki.”

11. E kanga te ibuobuoki n ti tebo ao ni kaokoro ma te reirei n te mweenga ao te kakawari n reirei?

Te ibuobuoki ti tebo ma te reirei n te mweenga ao te kakawari n te mweenga bwa ni kabane auti ao ana iai taari n te nakoanibonga—taari n ibuobuoki—ni buoka ao n tararua ibukin te utu ke naake a maeka ikekei (taraa R&B 20:47, 59). Aine aika ikawai n tatabemaniia ana karekeia kaain te Bootaki n Aine—titita n ibuobuoki—ni buokia ao n tabeakinna, ni manga kakorakoraia iaon te mwakuri n ibuobuoki ae tibwaki man te Beretitentii ni Kabuta n te Bootaki n Aine ni moa man Tianuare 2018 (taraa “Rereitaki ma Neienne n Taai nako, n Taabo nako, n Aaro nako,” *Ensign* ke *Liahona*, Tianuare 2018, 7).

Irarikin anne, tabeua bwaai aika kainnanaoaki n te reirei n te mweenga ao te kakawari n reirei a tia ni bitaki ni buokiia membwa ma te mwakuri n ibuobuoki ma buokan kainnanao. Akea te manga kakawari ae na baireaki raoui. A kona ni karaoaki n te mweenga, n te taromauri, ke n te tabo ae mano, n taina ae angaraoui, ao ni kona ni karaoaki. N aron are e reirei Unimwaane Jeffrey R. Holland: “[Tera] ae kakawaki riki bon karekean te kakabwaiia ao tabeakinaiia raom man am mwakuri ibukiiia, are akea kaokorona ni karaoaki ma te baire ae onoti ke te tabo ae onoti. Tera ae taraaki riki bon tangirakia am aomata ao kakoroan bukin te tua n ‘tararua te ekaretia n taai nako.’”³

Ni Kauarereke, te ibuobuoki e kairaki iroun te Tamnei, e bebete, ao ni katauraoui ibukin kainnanaoia kaain te aro.

12. E kanga te ibuobuoki ni kairaki iroun te Tamnei?

Ngkai membwa a ibuobuoki, a ukora te kairi n ataia bwa a na kanga ni buokia tabemwaang ni kaitarai kainanoia. Te kakawari ae baireaki ao te reitaki n te tareboon nakon te titita ae a kara ae maeka ti ngaia e katauraoa te reitaki ae kainnanaoia? Te kakao nakon te kairake n ikawai ae e aki roroko ni ira te mwakuri n te kaawa e buoka te reitaki ae raoiroi? E na kona boutokaan aia takakaro ni butibooro kairake ni buoka te kairake ao ana karo? E na kona te tekiti nakon temanna ae kaonaki n koroboki aika tabu n te onimaki ni buoka kabebetean rawawatana? E na kona te moti ni beeba ke te kaati ke te meeri ni kaota te raraoma ni ibuobuoki? Tera ae tangiria te Tia Kamaiu bwa a na karaoia Ana toro? Kakaean kaekaan titiraki aikai ao kabonganaan nako kawai aika tauraoi ibukin karaoan te reitaki ma naake a tia n anganaki e kakawaki nakon te kairi n ibuobuoki. Karekean ibuobuoki n ai aron Kristo, taari ao titita n ibuobuoki e aki kona n onimakina tain te kakawari ke rongorongoe ae a kaman baireaki, a ukora te kairi ao reirei ma kaain te utu n tararuai naake a mwiokoaki irouia—ni kabongana te tai ao bwaai n ibuobuoki aika iai irouia.

13. E kanga te mwakuri n ibuobuoki ni bibitaki?

Taari ao titita n ibuobuoki iai tibwangaia ni karaoa te mwakuri ae tamaroa riki. Naake a kaoaki bwa a na tararuai a bae ni kakaokoro aron te ibuobuoki ae a kainnanaoia. Te mwakuri ma te bitioburiki ao te kauntira n te uote, te kooram n unimwaane ao te beretitentii n te Bootaki n Aine a reitaki ma bwaai aika moan ni kakawaki nakoia tarira ao mwanera bwa aonga n ataia bwa antai aika a kainnanoi riki. Te moan ni kakawaki anganaki n tainako membwa aika boou, membwa aika aki rangin ni kakaonimaki aika a na kona ni kukurei ni butimwaia, ao n aroia kaaro aika akea buia, aine aika akea buia, ao mwaane aika a mate buia. A kona mataniwi ni mwiokoia mataniwi irouia ataeinimwaane ke ataeinnaine bwa ana nakon te ataeinimwaane ke te ataeinnaine ake a kaitara ma kaangaanga, ao ni waekoa ni mwiokoa te tari ke te titita ni ibuobuoki ni buokiia aika tibwa rairaki. A kona ni mwiokoa te membwa temanna n te kooram n unimwaane—ibonga aika rietaata ao unimwaane—nakon te ibuobuoki anne.

N riaina, e kona te taanga ni katabeaki nakon te utu ke nakon temanna ma temanna. Iririkin anne, a kona Raurere ke Mwaia Maite ni karaoi anganano aika kakawaki n riki bwa toaia aine n te Bootaki n Aine, n aron ae a karaoia ibonga ao taan reirei n ibuobuoki ma kaain te Nakoanibonga ae te Merekitereka (taraa titiraki 22, inano).

14. E kanga te ibuobuoki ni baireaki nakon kainnanaoia membwa n tatabemania nako?

Taari ao titita n ibuobuoki ana ukoukora te bwai ae moan te tamaroa ae ana kona iai ni buoka kainnanaoia n tatabemania nako. Ni kabane aekaki n reitaki e tauraoi ni kaeka nakon ana wirikiriki te Tamnei ao ni kaitarai kainnanaoia ake a tararuai. Buokan kainnanao aikanne e moanaki ma te tataro mwaaka ao ni karekean te marooro ma utu ao ma ake a tabeakiniia. N te marooro anne ao n reitaki ake imwiina, a kakauongo nakoia ake a buokiia bwa aonga n ataia bwa ana kanga ni buokiia, teimatoan ao te aeka n reitaki ra ae a kainnanaoia, ao te kainnanao ibukin ao kanoan rongorongoe ake a tibwauaia. Naake a ibuobuoki ana kakoaua bwa reitaki ni kabane ma kaain te utu ake a karaoi a bon riari.

Taari ao tititai n ibuobuoki ana buokiia n tatabemaniao ao utu ni katauraoia ibukin aia otenanti are imwiina, kawakin berita aika tabu ake a tia ni karaoi, ao n riki n toronibwai. E kona te

ibuobuoki aei n raonaki ma tibwauakin te rongorongō ae kaineti nakoia n tatabemaniia ke te utu, e ngae ngke te mwakuri n ibuobuoki tiaki te rongorongō ae na riai n tibwauaki. Te *Riaona* ao *Ensign* e na aki manga raonaki ma kabonganakin rongorongō n te reitaki n te ibuobuoki.

15. A kanga mataniwi n te Nakoanibonga ae te Merekitereka ao te Bootaki n Aine ni katiteuanaki n aia mwakuri?

Te konabwai ni kona ni buokiia tabeman bon teuana te rikirake ae taneiai te aba iai ae kaantangingaaki n rikiraken te korakora ni manga bairea te kooram n te nakoanibonga ao mwiin te katiteuanaki ma te Bootaki n Aine. Te ibuobuoki e riki bwa te katiteuanaaki n te mwakuri ni kakoroa nanon taben te nakoanibonga “ni kawari aia auti kaain te ekaretia” ao n “tararua te ekaretia n tainako, ao n raoniia ao ni kakorakoraia” ao te kantaninga n te Bootaki n Aine ni “karikirakea te onimaki iroun te Tama are i Karawa ao Iesu Kristo ao Ana Mwakuri ni kamaiu, utu, ao mweenga rinanon otenanti ao berita aika tabu, ao ni katiteuanaki ni mwakuri ni buokiia kainnanao” (R&B 20:47, 53; *Aeniboki* 2, 9.1.1).

Te kaai n ikotaki ni mwakuri ao iaan ana kairiiri te bitiobi, kooram n unimwaane ao te beretitentii n te Bootaki n Aine a reke aia tai ni kaungaaki, baireaki, ao n reitaki ni ukoukora ao n tararuaia ao n tabeakiniia n tatabemaniia ao utu. Te uaiia n ibuobuoki e raonaki ma te bootaki ni mwakuri ni kawai aikai:

- Te beretitentii n te kooram n unimwaane e kabongana te mwakuri n ibuobuoki ibukiia n tatabemaniia ao utu n te uoote. Te beretitentii n te Bootaki n Aine e na bubuti te mwakuri n ibuobuoki ibukiia aine n te Bootaki n Aine. Ngkana iai te kainnanao ae onoti ae reke, te kooram n unimwaane ao te beretitentii n te Bootaki n Aine a kona ni maroroakin tabeia aika onoti imwain are a kamatoaaki.
- Te kooram n unimwaane ao te beretitentii n te Bootaki n Aine a na bubuti nakon te bitiobi ibukin ana kariaia.
- N aron ae kainnanaoaki, tarira ao mwanera ake a karaoa te mwakuri n ibuobuoki a kona ni maroroakin aia kaangaanga aika onoti n tatabemaniia ao, ngkana e riai, reitaki ma te kooram ke te mataniwi n te Bootaki n Aine ibukin te ibuobuoki ao bwaai n reirei.
- Te Kooram n unimwaane ao te beretitentii n te Bootaki n Aine a bowi ni katoa kuata ni maroroakin kainnanaoia n tatabemaniia ao utu aika a reiakinaki rinanon karaoan n intawiu.
- Imwiin te bowi anne, te beretitenti n te kooram n unimwaane ao n te Bootaki n Aine a bowi ni katoa kuata ma te bitiobi ni maroroakin kainnanon temanna ma temanna ao utu.
- N aron ae kainnanaoaki, mataniwi n te kooram n unimwaane ao te Bootaki n Aine ana reirei ma te kauntira n te uoote ni kaineti ma korakora ao kainnanao aika rinanoaki n te intawiu n te mwakuri n ibuobuoki ao ni karaoi babaire ni buokiia ao ni kakabwaiiaia kaain te uoote.

Ni kabebetia te reitaki, uoote a kabanea aia tai iaon bowi n te kauntira n te uoote ao n aki manga karaoi bowi ni kometen te nakoanibonga. Bwaai aika a rinanoaki n te komete n te nakoanibonga a maroroakinaki, ni kainnanaoia, n ana bowi te bitioburiki, kauntira n te uoote, ke aia bowi bitiobi ni katoa kuata, te beretitenti n te kooram n unimwaane, ao te beretitenti n te Bootaki n Aine.

16. A kanga membwa ni karekea katabeaiia n te mwakuri n ibuobuoki?

A bowi mataniwi ma tarira ao mwanera aika tabeakin mwakuri n ibuobuoki—e katauaki riki bwa toaia—n tibwaua tabeia ma ngaia ao n reireiniia taekan te korakora, kainnano, ao kakaewenako irouia naake a buokiia. E kona te marooro aei ni karaoaki n te intawiu ni marooro (taraa titiraki 20, inano) ke n te tai ae kainnanoaki iai.

17. Tera taben te kakawari n te mweenga?

Anga nambwa, raroana, te kamaiu, ao iango riki tabeua, kawarakiia mweenga ni katoa namwakaina e na aki kona ni karaoaki ke ni mwakuri, ngaia are, e kakawaki kawarakiia aomata ngkana a kona ni karaoaki. Ni beku bwa te tia Kamaiu ae na, ibuobuoki nakoia tarira ao mwanera n iangoi kawai ni kabane ibukin te tararua ao te reitaki ma naake a tia ni mwiokoaki iai.

18. Te mwakuri n ibuobuoki e rin inanoia n tainako tibwauakin te rongorongo?

E aki. Ngkai a tia tarira ao mwanera ake a karaoa te mwakuri ni ibuobuoki ni kinaia naake a mwiokoaki irouia, atai kainnanoia ao te Tamnei ae Raoiroi e na kaumakiia n reirei iaon reirein te euangkerio. E kona naba te karo ni bubuti atuun te reirei ae onoti ibukin ana utu teuanne ke neienne. Ma te kabanea n tamaroa n “rongorongo” bon te tararua ao nanoanga.

19. E kanga aia mwakuri n ibuobuoki tarira ao mwanera n taui mwiin aia mwakuri?

Aki manga anai ribooti mataniwi iaomia utu ao n tatabemaniia ake a kawaraki n te namwakaina anne. Irarikina, aia mwakuri n ibuobuoki tarira ao mwanera a reke aia tai n reirei ma aia kooram n unimwaane ao te Bootaki n Aine iaon aia kaangaanga naake a beku ibukiia ao iaon aia ibuobuoki. Te uaia n ikotaki n reirei aei e karaoaki ni katoa kuata ni karaoan intawiu n ibuobuoki ao taai riki tabeua ngkana e riai te reitaki.

20. Tera karaoan te intawiu?

Karaoan te intawiu e karaoaki (1) n reirei taekan te korakora, kainnano, ao kakaewenako n anganako utu ao n tatabemaniia, (2) n iangoia te bwai ae kainanoia te kooram, te Bootaki n Aine, ke kauntira n te uote n ibuobuoki, ao (3) n reirei mairouia mataniwi ao ni kaungaaki ni mwakuri n ibuobuoki.

Ni katoa kuata, Taari ao tititati n ibuobuoki ana bowi ma te mataniwi n te kooram n unimwaane ke te Bootaki n Aine n te marooro n te ibuobuoki, riki iroun te aomata ao ma toaia. Te taanga aika a uaia ni karaoa te ibuobuoki a na bowi ma mataniwi n te kooram n unimwaane ke te Bootaki n Aine ke ni uoman. Imarenan intawiu, Taari ao tititati n ibuobuoki ake a karaoa te ibuobuoki ana taekin rongorongo riki tabeua ngkana a kainnanoaki—iroun te aomata ke rinanon tareboon, tekiti, imeeri, ke bwaai riki tabeua. A tibwauai rongorongo aika tabu kaotakiia ti ma te kooram n unimwaane ke te beretitenti n te Bootaki n Aine—ke ma te bitiobi.

21. A kanga mataniwi ni kawakin rekooti ni karaoan intawiu?

Te beretitenti n te kooram n Unimwaane ao te Bootaki n Aine a kawakin mwiin intawiu aika karaoi taari ao tititati ni buobuoki. Mataniwi a taekin intawiu n te namwakaina ake a karaoaki ao antai aika iria. A ribotina toaia ae na intawiuunaki ngkana temanna te membwa ma toaia e intawiuunaki n tain te kuata.

Man Turai 1, 2018, katamaroa nakon ana Bwai ni Mwakuri te LDS app ao nakon aia bwai ni mwakuri Mataniwi ao Ana Bwai ni Mwakuri te Kiraaka n te LDS.org ana tauraai ibukin te ribooti anne. Bitaki n te Ribooti n te Kuata a na tauraai naba n nukan te ririki 2018. Kabwarabwara riki ibukii mataniwi ao kiraaka ana katauraaoaki n te kaetieti ae na roko man ana etukuata te Ekaretia.

Ni Kaairakia Kairake n te Ibuobuoki

22. A na kanga kairake ni karinaki n te ibuobuoki?

A kona mataniwi n rineia n anganiia Raurere ao Mwaia Maite bwa toaia aine n te Bootaki n Aine, ngkai a tia ibonga ao taan reirei n rineaki bwa toaia kaain te Nakoanibonga ae te Merekitereka. Kairake a tibwauai aia bwaintangira aika onoti ao n rikirake n tamneia ngkana a beku irarikiia ikawai n te mwakuri ni kamaiu ao ngkai a reirei taekan te mwakuri anne ni karaoan intawiu. Irarikin anne, katabeaia kairake n te ibuobuoki e karikirakea te ibuobuoki ibukii tabeman man karikirakean mwaitia membwa ake a roko. E kona naba ni kabebeteti ao ni kakorakorai mwakuri aikai inanon utu ngkai tiina ao naati aine—ao kaaro ao nati mwaane—a bane n ibuobuoki.

23. E riai te taari ao tititati n ibuobuoki ni kairake ni katabeaki riki nakon teuanne ke neienne?

E aki. Ataeinimwaane ao ataeinnaine a kamwakuraki n te ibuobuoki irouia naake a ibuobuoki nakoia aia utu ao n tararuaki naba irouia mataniwi n te Nakoanibonga ae te Aaron ao Ataeinnaine.

Bitaki n te kooram a riai ni karaoaki n te tai ae waekoa. Bitaki nakon te ibuobuoki e kona n ana teutana te tai ma e na karaoaki n te tai ae waekoa. Reitan rongorongona e tauraai iaon te ministering.lds.org/gil.

Taiaoka n taraia bwa bwaai n ibuobuoki nakoia uoote ao bitiobi a kaineti nakoia beretitenti n uoote ao mwaanga, bwaai n ibuobuoki nakon titeiki a kaineti nakon mwakoro, ao bwaai n ibuobuoki nakoia beretitenti n titeiki a kaineti nakon mition ao beretitenti n te mwakoro.

1. Russell M. Nelson, “Ask, Seek, Knock,” *Ensign* ke *Liahona*, Nov. 2009, 83.

2. Taraa Reirei ao Berita aika Tabu 107:9–12. N te kibu 11, “te ibonga ae rietaata” e kaineti nakon te tia tararu n ibonga ae rietaata.

3. Jeffrey R. Holland, “Emissaries to the Church,” *Ensign* ke *Liahona*, Nov. 2016, 62.